

Ja bih BiH

Sa svih strana planete u našu redakciju stigli su tekstovi koje potpisuju dr. Neven Anđelić, prof. dr. Dejan Jović, dr. Armina Galijaš, prof. dr. Nebojša Vladislavljević, univ. prof. dr. Joseph Marko, dr. Nevenka Tromp, prof. dr. Eric Gordy, prof. dr. Francesco Palermo, dr. Jessie Barton Hronešová, dr. Mareike Fröhlich, prof. dr. jur. Jens Woelk, mr. Christophe Solioz, prof. dr. Florian Bieber, prof. dr. Petra Roter, dr. Soeren Keil, profesor Kenneth Morrison, dr. Chiara Milan, dr. Marika Djolai, prof. dr. Jelena Džankić i prof. dr. Mladen Mrdalj

Piše: **VILDANA SELIMBEGOVIĆ**

Bosna i Hercegovina živi najdublju postdejtonsku krizu, razapeta između teških prijetnji miru i apsolutnog odsustva bilo kakvog političkog dogovora. I dok svaki razgovor o pomacima naprijed završava blokadama i političkim svađama, privreda tone pod nameštima, a običan svijet strepi za vlastitu egzistenciju. Ko god može, kupuje kartu za odlazak.

Između Dayton i ZAVNOBiH-a

U takvoj atmosferi dočekujemo 26. godišnjicu potpisivanja Dejtonskog mirovnog sporazuma, a samo koji dan kasnije i 78. godišnjicu ZAVNOBiH-a. Daytonu se ima mnogo toga prigovoriti, ali svi se slažemo: kada je potpisan mir, malo je ko vjerovao da će potrajati. Bosna i Hercegovina je - živeći Dayton - uspjela koračati naprijed sve do onog trenutka dok se na domaćem političkom stolu nije našao spektar reformi neophodnih za borbu protiv korupcije, pravo i pravdu, odnosno izjednačavanje svih ljudi pred zakonom bez obzira na njihovu nacionalnu, vjersku, spolnu i političku pripadnost. Prevedeno na jezik ZAVNOBiH-a - sve do časa dok se evropskim zakonima nisu trebala (opet) definirati prava građana.

Izborna reforma o kojoj se toliko puno priča, a tako malo radi, predstavlja se već odavno kao nepremostiva prepreka. Odlučili smo zato ponuditi konstruktivna rješenja i u pomoć pozvali 20 eminentnih stručnjaka iz regiona i svijeta, koji su u toku dugogodišnjeg naučnog rada proučavali prilike u našoj zemlji. Zamolili smo ih da daju svoje prijedloge izbornih reformi i s ponosom izveštavamo: BiH ima prijatelje!

Sa svih strana planete u našu redakciju, kolegini Matei Jerković stigli su tekstovi koje potpisuju dr. Neven Anđelić, prof. dr. Dejan Jović, dr. Armina Galijaš, prof. dr. Nebojša Vladislavljević, univ. prof. dr. Joseph Marko, dr. Nevenka Tromp, prof. dr. Eric Gordy, prof. dr. Francesco Palermo, dr. Jessie Barton Hronešová, dr. Mareike Fröhlich, prof. dr.

jur. Jens Woelk, mr. Christophe Solioz, prof. dr. Florian Bieber, prof. dr. Petra Roter, dr. Soeren Keil, profesor Kenneth Morrison, dr. Chiara Milan, dr. Marika Djolai, prof. dr. Jelena Džankić i prof. dr. Mladen Mrdalj.

Niko od njih nije štedio ni vrijeme ni angažman, već su vlastito znanje i dugogodišnji rad pretočili u tekstove koji su pred vama u ovom specijalnom izdanju Oslobođenja. Već u ponedjeljak, naši autori okupit će se na zoom susretu koji će pomno bilježiti kamera O kanala: tom prilikom s njima će se zoom susresti i ambasador Johann Sattler, šef Delegacije Evropske unije u našoj zemlji i specijalni predstavnik EU u BiH. Ovaj razgovor će voditi inicijator cijelog projekta, naš suradnik

Pozvali smo stručnjake iz regiona i svijeta, koji su u toku dugogodišnjeg naučnog rada proučavali prilike u našoj zemlji. Zamolili smo ih da daju svoje prijedloge izbornih reformi i s ponosom izveštavamo: BiH ima prijatelje!

i kolega dr. Neven Anđelić, profesor s londonskom adresom koji nikada nije krio koliko mu je Bosna i Hercegovina u srcu i koji svojim istrajnim angažmanom već godinama nastoji pomoći da se otvore drugačiji vidici Bosancima i Hercegovcima od onih u koje smo zakovani.

Hvala svima!

Utoku naredne sedmice, ovaj specijal Oslobođenja objavit ćemo na našem portalu, ne samo na domaćim već i na engleskom jeziku. Koristim priliku da zahvalim svim našim tekstopiscima na angažmanu, koji otvara mogućnosti i pokazuje da se sve može, samo kad se hoće. Uz čestitke za 21. novembar i najljepše želje za 25. novembar, mala napomena: na sam Dan državnosti O kanal će specijalnu emisiju posvetiti rješenjima koja obećavaju mirnu Bosnu i Hercegovinu. Budite uz nas!

Ova publikacija je urađena uz pomoć Evropske unije. Sadržaj ove publikacije je isključiva odgovornost autora i ne predstavlja stavove Evropske unije.